



杜律單註卷之五

鵲湖陳明輯

錢塘楊祐校

嚴鄭公階下新松得霑字

弱管豈肯負稜根方爾瞻細聲聞玉帳疎翠近珠簾未見
紫烟集虛蒙清露沾何當一百丈欹蓋擁高簷

嚴鄭公宅同詠竹得香字

綠竹半含箨新梢纒出墻色侵書帙晚陰過酒罇涼雨洗

娟娟淨風吹細細香但令無剪伐會長拂雲長

晚秋陪嚴鄭公摩訶池泛舟得溪字

湍駢風醒酒船回霧起隄高城秋自落雜樹晚相迷坐觸
鴛鴦起巢傾翡翠低莫須驚白鷺為伴宿清溪

公自註池在府內蕭摩訶所開曰是得名

觀李固請司馬弟山水圖三首

簡易高人意匡床竹火爐寒天留遠客碧海挂新圖雖對
連山好貪看絕島孤群僊不愁思冉冉下蓬壺

夢弼曰淮南子匡床弱席非不寧

方丈渾連水天台總映雲人間常見盡老去恨空聞范蠡
舟偏小王喬鶴不群此生應萬物何處出塵氛

夢弼曰孫綽天台賦涉海則有方丈蓬萊登陸則有四明天台皆古聖之所由化靈仙之所窟宅范蠡為越破吳功成名遂乃乘扁舟之江湖變姓名適齊為鷓夷子趙曰其圖必畫舟與鶴故以范蠡王喬比之

高浪垂翻屋崩崖欲壓床野橋分子細沙岸繞微茫紅浸
珊瑚短青懸薜荔長浮查並坐得仙老暫相將

夢弼曰王子年拾遺記堯時有巨查浮于西海查上有光若星月查浮四海十二年一周天名曰貫月查

又曰桂星查羽仙棲止其上

正月三日歸溪上有作簡院內諸公

野外堂依竹籬邊水向城蟻浮仍臘味鷗泛已春聲藥許

隣人斲書從稚子擎白頭趨幕府深覺負平生

夢弼曰釋名酒有汎齊浮蟻在上汎汎然○此詩
歸溪上得野逸之趣深覺老趨幕府為負平生之志
蓋公已辭幕府而作歟賦也

春日江村五首

農務村村急溪流岸岸深乾坤萬里眼時序百年心茅屋

還堪賦桃源自可尋艱難味生理飄泊到如今

此因人事天時乃自歎亂離以來觀天地之宏大而
容身無所念日月之如流而老將至矣雖飾屋檣賦
飛源可尋第以艱難而味夫生理故流落以到如今
賦也

迢遞來三蜀蹉跎又六年客身逢故舊發興自林泉過懶

從衣結頻遊任履穿藩籬頗無限恣意向江天

趙曰三蜀蜀郡廣漢郡犍為郡也鶴曰公以乾元二
年冬入蜀至是六年矣洙曰董京威衣百結衣莊子
衣弊履穿貧也。言來蜀又六年客身惟逢乎故舊
之顧遇發興惟自乎林泉之蕭酒則衣弊履穿有所
不恤矧所居頗無藩籬之限堪向江天而恣意瞻眺
焉賦也

種竹交加翠栽植爛熳紅經心石鏡月到面雪山風亦管

隨王命銀章付老翁豈知牙齒落名玷薦賢中

(朱曰)漢官儀尚書令僕丞郎月給表銀章青綬公時為工部員外郎故云。言惟種竹栽桃於此故石鏡雪山之風月相知耳豈知垂老名玷薦賢而亦管銀章隨王命而付老翁耶賦也

扶病垂朱綬歸休步紫苔郊扉存晚計幕府愧群材燕外

晴絲捲鷓鴣邊水葉開鄰家送魚鱉問我數能來

希曰漢韋賢傳黼衣朱綬師古註朱綬謂朱裳畫為五文也亞古弗字。言扶病以出朱綬則幕府有愧於群材言不宜仕也又歸休而步紫苔則郊扉庶可專乎晚計言正合隱也

又數能送魚鱉而問我顧不難歎賦也

群盜哀王粲中年召賈生登樓初有作前席竟為榮宅入

先賢傳才高處士名異時懷二子春日復含情

(洙曰)漢文帝以賈誼為長沙王太傅歲餘思誼徵至宣室因問以鬼神事帝不覺前席曰吾久不見賈生自以為過之今不及也。此詩懷賈生王粲於異世且當春日况復含情賦也

春遠

蕭蕭花絮晚菲菲紅素輕日長惟鳥雀春遠獨柴荆數有

關中亂何曾劔外清故鄉歸不得地入亞夫營

鶴曰按史是年吐蕃雖退而二月党項差寇京兆之富平縣故云數有閩中亂亞夫營在長安公之故鄉也○言客蜀又見花落絮飛春已遠而日已長惟餘柴荆鳥雀耳趙曰言無往來之人也且閩中劍外俱亂而不清是以故鄉之地已入亞夫營而歸不得與兼賦也此詩蓋傷故鄉不得歸而它鄉不可住耳興曰春遠厥有旨哉

去蜀

五載客蜀郡一年居梓州如何關塞阻轉作瀟湘遊萬事已黃髮殘生隨白鷗女危大臣在何必淚長流

言避亂客蜀居梓而關塞尚阻故將之荆楚况已老而後梗是以憂國之兵亂未息而下戾且曰國之安

危有大臣在焉我何必淚長流耶洎覽之詞也賦也

喜雨

南國旱無雨今朝江出雲入空纔漠漠灑迥已紛紛巢燕高飛盡林花潤色分晚來聲不絕應得夜深聞

趙曰南國指荆楚也安石曰記云天降時雨山川出雲故可言江出雲也○首言南國久旱今江纔出雲而漠漠已有雨而紛紛故巢燕亦喜雨而盡高飛林花亦得雨而分潤色况於百穀人民之喜乎且至晚而聲不絕深夜雨必溼渥矣賦也

宴戎州楊使君東樓

勝絕驚身老情忘發興奇座從歌妓密樂任主人為重碧
拈春酒輕紅擘荔枝樓高欲愁思橫笛未休吹

涿曰曹子建七啓云春清縹酒註縹深碧色山谷曰
拈春酒擘荔枝此主人用歌妓為樂者也唐志戎州
貢荔枝煎○言東樓之宴絕勝特驚身老非年少之
時故任從主人作樂耳次言揚使君忘情發興奇而
滿座歌妓拈春酒擘荔枝以作歡末言樓高欲悲且
勿吹笛以結首句之意賦也

渝州候嚴六侍御不到先下峽

聞道乘駟發沙邊待至今不知雲雨散虛費短長吟山帶

烏蠻閣江連白帝深船經一柱觀留眼共登臨

涿曰王粲詩風流雲散一別如雨古詩有長短吟鄭
曰梁益記嵩山其地按諸蠻部有烏蠻秋蠻白帝夔
州也○公言在渝州南道嚴公出峽相待不至故虛
費短長吟於是先下峽在江陵相候若嚴舟過一柱
觀須留眼相與一登臨可也賦也

聞高常侍

歸朝不相見蜀使忽傳亡虛歷金華省何殊地下即致君
丹檻折哭支白雲長獨步詩名在祗令故舊傷

公自註忠州作鶴曰按史是年正月左散騎常侍高
適卒意是寄詩未久而過已卒夔州曰唐志門下省
左散騎常侍二人掌規諷過失侍從顧問漢金華殿
在未央宮後世以門下名金華省世說顏回為地下

脩文即按史高逵負氣敢言權貴側目公故有丹檻折之句。高入朝為左散騎常侍主諷諫過失今也。云亡則不得致君丹檻折是虛歷金華省矣故我聞其亡而哭之何殊地下耶然詩名獨在秘令故鑿悲傷耳賦也。

宴忠州使君姪宅

出守吾家姪殊方此日歡自須遊阮舍不是怕湖灘樂助

長歌送杯饒旅思寬昔曾如意舞牽率強為省

（殊）日湖灘忠州下惡灘也王戎嘗以如意起舞○首四句言宴忠州使君姪宅第三句承首句第四句承次句殊方字典歡牽率生後四句言宴飲樂舞是以旅思寬而強為看賦也

禹廟

禹廟空山裏秋風落日斜荒庭垂橘柚古屋畫龍蛇雲氣

生虛聲江聲起白沙早知乘四載疏鑿控三巴

莘老曰橘柚錫貢驅龍蛇皆禹之專孔氏書傳四載謂水乘舟陸乘車泥乘輜山乘櫟郭璞江賦巴東之峽夏后疏鑿三巴謂閬水東南流三折如巴字也言禹廟在空山中以秋風落日之時荒庭則垂橘柚古屋則畫龍蛇而雲氣生壁及聞江聲因念禹功乘四載而疏鑿三巴賦而興也

題忠州龍興寺所居院壁

忠州三峽內并邑聚雲根小市常爭米孤城早閉門空看

過客淚莫覓主人恩淹泊仍愁虎深居賴獨園

洙曰蜀都賸三峽註巴東永安縣有高山相對相去可三十丈左右崖甚高謂之峽江水過其中雲根石也佛書有給孤獨園

哭嚴僕射歸襯

素幔隨流水歸舟返舊京老親如宿昔部曲異平生風送

蛟龍雨天長驃騎營一哀三峽莫遺後見君情

言嚴公之櫟舟載而歸故國且言毋老尚無志而士卒非昔比矣賦也夫蛟龍得雲雨則非池中物今云風送蛟龍雨言蛟龍化去而風雨送之也天長驃騎營言士卒戀其恩德如天之長也未哀其遺愛在後况公忠君養士之情比而賦也

放船

收帆下急水卷幔逐回灘江市戎戎暗山雲泚泚寒荒林

無徑入獨鳥恠人看已泊城樓底何曾夜色闌

旅夜書懷

細草微風岸危檣獨夜舟星垂平野闊月湧大江流名豈

文章著官應老病休飄飄何所似天地一沙鷗

前四句言旅夜在舟中書所見賦也後四句言書懷蓋自歎其功名不成而無倚著賦而比也

懷舊

地下蘇司業情親獨有君那因喪亂後便有死生分老罷
知明鏡悲來望白雲自從失詞伯不復更論文

此公懷蘇源明言其交誼中情獨相親那因喪亂之後便有死生之分今也覽明鏡而知老望白雲而興哀自從斯人之沒不復更論文矣其懷舊之情為何如哉賦也

八月十五夜月二首

滿目飛明鏡歸心折大刀轉蓬行地遠攀桂仰天高水路
疑霜雪林棲見羽毛此時瞻白兔直欲數秋毫

深曰古樂府葉和今何在山上復有山何當大刀頭破鏡飛上天言夫出還在月半也○首言見月思歸而以轉蓬攀桂承之末四句形容月光之明賦也此詩始詠夜出之月耳

稍下巫山峽猶銜白帝城氣沉全浦暗輪側半樓明刀斗
皆催曉蟾餘且自傾張弓倚殘魄不獨漢家營

趙曰稍下猶銜皆言月也刀斗軍營中以警夜者張衡靈憲云拜請不死之藥於西王母姮娥竊以奔月遂託身於月是為蟾蜍○此詩蓋詠將落之月也其日稍下猶銜氣沉輪側刀斗催曉蟾餘自傾及倚殘魄可見是言落月矣賦也

雲安九日鄭十八携酒陪諸公宴

寒花開已盡菊蕊獨盈枝
舊摘人頻異輕香酒暫隨
地偏初衣衿山擁更登危
萬國皆戎馬酣歌淚欲垂

夢弼曰秋興賦御衿衣說文衿無絮衣也風俗記九日登高以禳災厄○首言九日菊則人頻異而酒暫隨者其傷感之意見於言外次言地偏則初衣衿山擁則更登危此雖宴樂然酣歌而淚欲垂者以萬國皆戎馬故爾賦也

長江二首

衆水會涪萬瞿塘爭一門
朝宗人共挹盜賊爾誰尊
孤石隱如馬高蘿垂飲猿
歸心異波浪何事即飛翻

涑曰涪萬峽中二郡名瞿塘為三峽之門巴東有灘瀨石高二十丈許及秋至則懸如馬○言長江會衆水於一門而朝宗于海故人共尊之至若盜賊則挾衆犯順誰其尊爾耶今瞿塘孤石如馬高蘿飲猿見波浪飛翻歸海若我則異乎是尚未可歸而此心何事欲速如奔流耶賦蕪比也

浩浩終不息乃知東極臨衆流
歸海意萬國奉君心色借瀟湘闊
聲驅滌瀨深未辭添霧雨
接上遇衣襟

趙曰瀟湘在潭州三峽之水入洞庭與瀟湘相遠故云色借也○言長江東流浩浩不息會衆水而歸海者猶萬國奉君之心也故其不讓細流而聲色迥異則霧雨之微未足辭也末句有誤字賦也

承聞故房相公靈櫬自閩州啓殯歸葬東都有作二

首

遠聞房太尉歸葬陸渾山 德興王後孤魂久客間孔明

多故事安石竟崇班他日嘉陵淚仍霑楚水還

鶴曰房瑄河南人罷相後歷漢州刺史廣德元年赴召道病卒於閬州時權墜于彼贈太尉陸渾山在伊

洛間蜀志陳壽與荀勗等定故蜀丞相諸葛亮故事二卜四篇以進晉謝安薨帝臨於朝堂賜東園秘器

朝服贈太傅及葬加殊禮依大司馬桓温故事師旦孔明多故事喻房公奏議可為朝廷典故安石竟崇

班喻房公死後竟追贈褒崇之也蔡寬夫詩話云唐書房瑄傳上皇入蜀瑄建議請諸王分鎮天下其後

賀蘭進明以此諶之肅宗瑄坐是卒廢不用世多憫之予讀司空圖房太尉漢山詩云物望傾心久免渠

破膽頻註謂祿山初見分鎮詔書拊膺歎曰吾不得天下矣非瑄無能畫此計者蓋以乘輿雖播遷而諸

子各分統天下兵柄則人心固有所繫矣未可以強弱爭也今唐史乃不載此語圖博學多聞嘗位朝

且脩史其言必有自來矣瑄雖不見用而當時建言有關於利害豈可廢哉惜乎史臣不能為一白之也

賦也

丹旄飛飛日初傳發 州風塵終不解江漢忽同流 劔動

新身匣書歸故國 棲盡哀知有處為客恐長休

初聞房公旅櫬發閬州而丹旄飛揚其曰風塵不解言亂未定而公忽與江漢同流而死矣三聯言雖死

而書歸故國亦前詩第四句意末言盡哀知有處但恐我客死而休耳賦也

杜律單註 卷之五

別常徵君

兒扶猶杖策卧病一秋疆白髮少新洗寒衣寬總長故人
憂見及此別淚相忘各逐萍流轉來書細作行

(趙曰)雖別而俱不能淚所以成相忘也

遣憤

聞道花門將論功未盡歸自從收帝里誰復總戎機蜂虿
終懷毒雷霆可震威莫令鞭血地再濕漢臣衣

(鶴曰)郭子儀使白元光與回紇村藥葛羅合兵追吐蕃大破之於是回紇等入見贈糒繒帛前後十萬疋

府城空城絕百官俸以紿之此為可憤也左傳君無謂邾小蜂虿有毒况國乎漢賈山曰人主之威非特雷霆也漢書云禁中非刑人鞭血之地○言聞回紇將與郭子儀合兵追吐蕃大破之遂收京都今也論功尚猶未去其自收京之後總戎者為誰邪且花門如蜂虿終懷毒心宜震雷霆之威以撲滅之勿令禁中之地再受汙辱斯可矣賦也

冬深

花葉隨天意江溪共石根早霞隨類影寒水各依痕易下
揚朱淚難招楚客魂風濤暮不穩捨棹宿誰門

(洙曰)揚朱泣路岐宋玉作招魂

將曉二首

石城除擊柝鉄鎖欲開關鼓角悲荒塞星河落曉山巴人

常小梗蜀使動無還垂老孤帆色飄飄犯百蠻

(夢弼曰)地志夔州古巴石城(鶴曰)蜀使動無還蓋謂上元間劔南東川節度兵馬使段子璋反伏誅實應初劔南西川兵馬使徐知道反伏誅是年劔南西山兵馬使崔旰反殺成都節度使郭英乂也○首四句言夔州將曉之景物其第五六句鶴說是矣為此垂老舟居而犯百蠻與而賦也

軍吏回官燭舟人自楚歌寒沙濛薄霧落月去清波杜惜身名晚衰慚應接多歸朝日簪笏筋力定如何

言軍吏回官燭而舟人楚歌之時則寒沙落月亦言將曉之景物也其三聯則公自歎老壯之不偶倘歸朝而見用未審筋力之如何耳賦兼興也

又雪

南雪不到地青崖霑未消微微向日薄脉脉去人遙冬熱鴛鴦病峽深豺虎驕愁邊有江水焉得北之朝

首言有雪而不積次言鴛鴦病豺虎驕以喻朝廷弱而盜賊橫也是以愁之深欲北入朝而江水東耳賦而比也

送王侍御往東川放生池祖席

東川詩友合此贈怯輕為况值傳宗近空然惜別離梅花
交近野草色向平池儻憶江邊臥歸期願早知

(夢弼曰)東川梓州路也

懷錦水居止二首

軍旅西征僻風塵戰伐多猶聞蜀父老不忘舜謳歌天險

終難立柴門豈重過朝朝巫峽水遠逗錦江波

難立之立一作倚(鶴曰)軍旅風塵指吐蕃之亂及張
獻誠柏茂林楊子琳共起兵討崔旰時蜀中大亂也
○言吐蕃及崔旰雖叛亂而民心未忘唐室故劍門
之險雖據終難自立然我草堂在成都不可再往願

茲巫峽曰逗錦水之波不能不思之耳賦也

萬里橋西宅百花潭北莊層軒皆面水老樹飽經霜雪嶺

界天白錦城曛日黃惜哉形勝地回首一茫茫

洙曰萬里橋百花潭在城都公草堂在焉張孟陽劔
閣銘形勝之地匪親勿居○首六句盛陳錦水居止
景物形勝之美故懷思之不能自已也賦也

老病

老病巫山裏稽留楚客中藥殘他日裏花發去年叢夜足
露沙雨春多逆水風合分雙賜筆猶作一飄蓬

卷之五 十四 景先

言老病巫山則藥殘它日襄稽留楚客則花發去年
叢蓋其病滯於此已涉三年矣賦也三聯以夜雨春
風引興末二句蓋自歎流落他鄉不得在朝興也

雨

冥冥甲子雨已度立春時輕筆筵頭相向織綺恐自疑煙添
纔有色風引更如絲直覺巫山暮兼催宋玉悲

趙曰首二句憂之之詞也唐諺云春雨甲子赤地千里按史是年春旱至六月庚子始雨宋玉高唐賦妾在巫山之陽旦為行雲暮為行雨又九辯悲哉秋之為氣也夢弼曰末句謂雨過當淒然如秋也○詩因春甲子雨而怪天氣未宜熱而已熱其三聯應首句狀冥冥之雨末言巫山暮雨生涼如秋直恐催宋玉

之悲耳及應次聯賦也

南楚

南楚青春異暄寒早早分無名江上草隨意嶺頭雲正月
蜂相見非時鳥共聞杖藜妨躍馬不是故離群

首句起下五句皆言南楚氣候異於中原今我客居於此非離群也乃避亂耳賦也

子規

峽裏雲安縣江樓翼瓦齊兩邊山木合終日子規啼耿耿
春風見蕭蕭夜色凄客愁那聽此故作傷人低

移居夔州郭

伏枕雲安縣遷居白帝城春知催柳別江與放船清農事
聞人說山光見鳥情禹功饒斷石且就土微平

（洙曰）沿峽皆因開鑿而成故少平土惟夔州稍平爾

船下夔州郭宿雨濕不得上岸別王十二判官

依沙宿舸船石瀨月涓涓風起春燈亂江鳴夜雨懸晨鐘
雲外濕勝地石堂烟柔櫓輕鷗外含悽覺汝賢

（趙曰）石堂夔州佳處

上白帝城

城峻隨天壁樓高更女墻江流思夏后風至憶襄王老去
聞悲角人扶報夕陽公孫初恃險躍馬意何長

（齊輔曰）夔州川魚復國秦置巴郡後漢公孫述字子陽更始時起六討宗成王岑之亂遂有蜀土借立為

帝都成都號立甲家色尚白政成都郭外舊倉為白帝倉築城於魚復號白帝城立十二年為光武所誅十

道志述稱白帝以據西方色尚白也趙曰天壁天然自立之石壁也孝祥曰文墻城上小墻也亦名壁

言於城上壁觀人也江賦巴東之峽夏后疏鑿焚襄王遊於蘭臺之宮有風颯然而至王乃披襟而當之

曰快哉此風左太冲蜀都賦公孫躍馬而稱帝○首三句言上白帝城而狀城之險樓之高次言城上見

江流而思大哉之禹功過風至而憶快哉之楚襄公
報夕陽聞鼓角乃歎公孫之恃險以借竊與而賦也

王十五前閣會

楚岸收新雨春苔引細風
情人來石上鮮鱸出江中
鄰舍煩書扎肩輿強老翁
病身虛俊味何幸飯兒童

憶鄭南坵

鄭南伏毒寺瀟灑到江心
石影銜珠閣泉聲帶玉琴
風杉曾曙倚雲嶠憶春館
萬里蒼茫水龍蛇只自深

鶴曰鄭南當是華州鄭縣之南坵五色言石似三也寺名伏毒在鄭縣

奉寄李十五秘書文出疑二首

避暑雲安縣秋風早下來
軒窗留魚復浦同過楚王臺
猿鳥千崖窄江湖萬里開
竹枝歌未好畫舸且遲回

公自註竹枝歌巴渝之遺音也惟峽人善唱○言李公避暑於雲安宜及秋早來吾將與爾暫留魚復同過楚臺三聯言居峽出峽之景物應第二聯末章結首聯言竹枝歌未好故遲遲其行爾賦也

行李千金贈衣冠八尺身
飛騰知有策意度不無神
班秩兼通貴公侯出異人
玄成負文彩世業豈沉淪

趙曰唐制秘書郎從六品上謂之通貴左傳公侯之子孫必復其始漢常賢少子玄成脩文業復以明經

仕至相位。言秘書行李衣冠堂堂貴重飛騰意度自與常人殊是以班秩必兼通貴而公侯必出異人乃以玄成比之能世其業必不沉淪賦也

熱三首

雷霆空霹靂雲雨竟虛無
炎赫衣流汗低垂氣不蘇
乞為

寒水玉願作冷秋孤
何似兒童歲風涼出舞雩

首言天旱炎熱衣流汗而氣不蘇故願為水玉秋孤之寒冷乃憶幼時舞雩之風涼興而賦也

瘴雲終不滅瀘水復西來
閉戶人高卧歸林鳥却回
峽中

都似火江上只空雷
想見陰空雪風門颯踏開

首言瀘水西來而瘴雲不滅故炎旱而入鳥難處乃想陰宮之風雪蓋首二句生中四句末二句結前六句賦也

朱李沉不冷雕胡炊屢新
將衰骨盡痛被嚼味空頻
歎翁

炎蒸景飄颻征伐入十年
不解甲為爾一雪汗巾

言衰老苦熱雖沉朱李炊雕胡然骨盡痛而味空頻耳因念此時征伐之士十年不得解甲而為之悲傷與也

晚晴

晚照斜初徹浮雲薄未歸
江虹明遠飲峽雨落餘飛
鳧鶴

終高去能巖覺自肥秋分客尚在竹露夕微微

首言晚晴意態一起一承末言此時飛走及植物各遂其性然我秋半尚失所而為客耶賦而興也

宿江邊閣

暝色延山徑高齋次水門薄雲巖際宿孤月浪中翻鶴鶴
追飛盡豺狼得食喧不眠憂戰伐無力正乾坤

鶴曰鶴鶴喻軍士豺狼喻盜賊時蜀有崔旰之亂也
○此詩初序將晚中言既夕之景物末述憂戰伐而不眠之故興而賦也

白鹽山

卓立群峰外蟠根積水邊他皆任厚地爾獨近高天白榜
千家邑清秋萬估船詞人取佳句刻畫竟誰傳

希曰三周顛刻畫無鹽公因山名曰鹽故有末句口首
言山卓然高峻且近水次聯應首句三聯應次句末
以刻畫無鹽朝詞人取佳句大抵前四句言山高後
四句白鹽賦也

灩澦堆

巨石水中央江寒出水長沉牛荅雲雨如馬戎舟航天意
存傾覆神功接混茫干戈連解纜行止憶垂堂

夢弼曰寰宇記灩澦堆在夔州之西蜀江心中瞿塘
峽口冬水淺出二十餘丈夏水漲半浚楚俗禱雨必

沉牛以答神貺表益傳千金之子不垂堂○首言灤
頽堆之形狀且水落石出而高大次言沉牛以答雲
雨而神功接混茫如馬以戒舟航則天意存傾覆未
自言避亂涉險而憶垂堂之戒賦也

瞿唐懷古

西南萬壑注勅敵兩崖開地與山根裂江從月窟來削成

當白帝空曲隱陽臺疏鑿功雖美陶鈞力大哉

言西南萬壑皆注於瞿唐而峽開兩崖如勅敵之相
當第三句承次句第四句應首句且其削成之勢則
當白帝而空曲之間則隱陽臺雖然神禹之功固美
而造化之功尤大也首四句言瞿唐末四句言懷古
賦也

陪栢中丞觀宴將士二首

極樂三軍士誰知百戰場無私齊綺饌久坐密金章醉客

雲鸚鵡佳人指鳳凰幾時來翠節特地引紅粧

鶴曰中丞栢貞節也時為夔州都督

繡段裝簷額金花帖鼓腰一夫先舞劔百戲後歌樵江樹

城孤遠雲臺使寐寥漢朝頻選將應拜霍嫖姚

覽鏡三栢中丞

渭水流關內終南在日邊膽銷豺虎窟淚入大羊天起晚

堪從事行遲更覺僊鏡中衰謝色萬一故人憐

言客巫峽而念長安兵亂未已而悲傷之且我起晚行遲不堪從事是氣力衰謝矣及覽鏡而容色亦衰賦焉所謂無力正乾坤者是也萬一故人見憐可耳賦也

送十五弟侍御使蜀

喜弟文章進添余別興牽數杯巫峽酒百丈內江船未息

豺狼鬪空催犬馬年歸朝多便道搏擊望秋天

洙曰水自渝上合者謂之內江自渝由戎瀘上蜀者謂之外江師曰鷹隼逢秋擊搏此喻御史之職也○言十五弟為侍御而使蜀是以喜其文章之達也一見而別是以添余別恨之牽也中四句承次句意末

言爾歸朝尚與乘時以亂應三聯與首句賦也

送李功曹之荊州至鄭侍御判官重贈

曾聞宋玉宅每欲到荊州此地生涯晚遙悲水國秋孤城

一柱觀落日九江流使者雖光彩青楓遠自愁

洙曰江陵古荊州有宋玉宅○首四句言荊州之景物欲到而未能每自悲爾今李公之官於彼雖云光彩而我則益愁矣三聯應首聯末結前六句賦也

別崔湜因寄薛璩孟雲卿

志士惜妄動知深難固辭如何久磨礪但取不磷緇風夜

聽憂主飛騰急濟時荆州遇薛孟為報欲論詩

公自註內弟洪赴湖南幕職洙曰語不曰堅乎磨而不磷不曰白乎涅而不緇○言有志之士惜妄動動必以時然知深難固辭言士為知己用也若夫久磨涅而不磷緇是可取已今崔洪之飛騰夙夜憂主而急於濟時爾以上別崔也倘至荆州遇薛璩孟雲卿為報欲與之論詩此因寄二子也賦也

巫峽弊廬奉贈待御四舅別之禮朗

江城秋日落山鬼閉門中行李淹吾舅誅菑問老翁赤眉

猶世亂青眼只途窮傳語樵源客入今出處同

洙曰誅菑卜居也趙曰樵源在朗州故云○言當清秋江城日落山鬼閉門之時乃淹吾舅之行李來問

誅菑之老翁以取別矧今猶世辭而途窮吾舅別而之禮朗二州是亦秦之入矣未故云然賦也

雨

萬木雲深隱連山雨未開風扉掩不定水鳥過仍迴鮫館

如鳴杼樵舟豈伐枚清涼破炎毒衰音欲登臺

言群山萬木為雲雨所蔽若風扉則開闔不定而水鳥則來往無常當此時鮫室則如鳴杼樵舟豈止伐枚惟有清涼破此炎毒我欲登臺以納之耳賦兼此也

雨晴

雨晴山不改晴罷岷嶼如新天路休殊俗秋江愁殺人有猿

揮淚盡無大附書頻故國愁眉外長歌欲損神

言雨晴而山色如新可愛乃天道美此殊俗以慰我耳然秋江則愁殺人矣何哉有猿則揮淚已盡無犬則寄書不頻故國弗可見而長歌欲損神再興而賦也

垂白

垂白馮唐老清秋宋玉悲江喧長少睡樓迥獨移時多難

身何補無家病不辭其從千日醉未許七哀詩

宋玉中山有酒飲者一醉千日曹子達王仲宣張孟陽皆有七哀詩○公自言為郎若馮唐之垂老傷時苦宋玉之悲秋况江樓之喧寂當少睡獨移之時乎蓋天下多難吾何補於朝廷今雖無家且病不多辭也其從沉醉未許賦詩其憂國之心見於言外賦也

洞房

洞房環珮冷玉殿起秋風秦地應新月龍池滿舊宮
今夜遠清漏往時同萬里黃山北園陵白露中

洙曰興慶宮明皇潛龍之地有龍池焉池本平地垂拱初因雨水流潦成小池至景龍中彌亘數頃深至數丈常有雲氣或見黃龍按傳云唐帝微行而至黃山宮宮在右扶風槐里縣○此公在峽舟中秋夕懷長安也言洞房玉殿秋風起而環珮冷秦地亦應新月龍池則滿舊宮今夜雖係舟於此與長安固相遠然清漏則與往時無異其尤可痛者園陵在黃山北之白露中爾賦也

宿昔

宿昔青門裏蓬萊仗數移花驕迎雜樹龍喜出平池落日

留王母微風倚少兒宮中行樂祕少有外人知

逸曰青門長安東門也蓬萊殿名沈約詩春風搖雜樹謂桃李之屬洙曰柳芳傳信記天寶中興慶宮小龍常遊於宮垣南溝水中衛青傳衛媼次女少兒○言天寶間青門之內蓬萊仗數移者或花迎雜樹或龍出平池或留王母或倚少兒然而宮中行樂甚祕外人知者鮮矣賦也

能畫

能畫毛延壽投壺郭舍人每蒙天一咲復似物皆春政化

平如水皇恩斷若神時時用抵戲亦未雜風塵

洙曰西京雜記杜陵畫工毛延壽善為人形必得其真郭舍人善投壺以竹為矢不用棘能激令矢還一矢百餘反謂之驍每為武帝投壺輒賜金帛容齋曰杜詩命意用事旨趣深遠若隨口一讀往往不能解如能畫詩第三聯頗與前語不相貫穿然其旨本謂技藝倡優不應蒙人主顧賜賞接然使化如水思若神為治大要既無所損則時或用此輩亦無害也○言能畫如毛則復似物皆春投壺如郭則每蒙天一咲若夫政平如水皇恩斷若神雖時時用此為戲亦未致亂興而賦也

鬪鷄

鬪鷄初賜錦舞馬既登床簾下宮人出樓前御柳長僊遊

終一閱文樂久無香寂寞驪山道 河秋草木黃

趙曰明皇好鬪雞有賈昌者以善養雞蒙寵當時為之歌曰生兒不用識文字鬪雞走馬勝讀書買家小兒年十三富貴榮華代不如入尊教舞馬四百蹄口之為某家驕其曲為之傾盃樂奮首鼓尾無不應節又施三層木林乘馬於上抃轉如飛命壯士舉馬於榻上○此詩追念鬪雞舞馬為樂之盛時宮人御柳如此今也君既仙遊女樂無香驪山寂寞而草木黃落矣興而賦也

歷歷

歷歷開元事分明在眼前無端賊血起忽已歲時遷巫峽 西山外秦城北斗邊為郎從白首病數秋天

夢符曰漢武故事上至即署見顏駟問何特為郎何共老也○言開元全盛之事分明歷歷在人耳目無端安史之亂起忽已多年然我自首為郎客居巫峽而憶長安卧病數秋亦已久矣賦也

洛陽

洛陽昔陷沒胡馬犯潼關天子初愁思都人慘別顏 清笳去宮闕翠蓋出關山故老仍流涕龍鬚草再攀

此追念祿山之亂明皇辛蜀及還宮而都人父老既悲且喜之意爾玩其犯潼關初愁思六字則其辭之悲婉為何如哉賦也

驪山

驪山絕望幸花萼罷登臨地下無朝燭人間有賜金鼎湖

龍去遠銀海鴈飛深萬歲蓬萊日長懸舊羽林

宋曰明皇歲幸驪山又建花萼相輝之樓與諸王宴集劉向傳秦始皇葬於驪山之阿下錮三泉上崇山墳石椁為遊宮人膏為燈燭水銀為江海黃金為鳧鴈○言明皇晏駕之後則驪山花萼絕望幸罷登臨是以無朝燭而有賜金及夫龍去遠鴈來深則萬歲蓬萊日長懸舊羽林矣然其詞愈緩而意愈深賦也

提封

提封漢天下萬國尚同心借問懸車守何如儉德臨時徵
後又入莫慮犬羊侵願戒兵猶火恩加四海深

深曰漢東方朔傳提封頃畝註謂提舉四方之內總討其數也懸車束馬言至險也易君子以儉德辟難左傳兵猶火也非戰將自焚○此詩其為吐蕃入寇發兵守險而作歎蓋曰萬國同心君惟以儉德臨之而徵賢以共理則何患乎犬羊之見侵而守險也哉且願以用兵為戒則恩加四海亦云深矣賦也

贈高式顏

昔別是何處相逢皆老夫故人還寂寞削迹共艱虞自失
論文交空知賣酒壚平生飛動意見爾不能無

夢弼曰按高適傳式顏乃適之族姪也宋曰世說晉王戎過黃公壚謂後車客曰吾昔與嵇叔夜阮嗣宗酣揚於此壚自嵇阮云亡便為時所羈繼今視此難近邈若山河師曰公少與高適李白常入酒壚論文

醉誅自亂離以來相失今元式類則平生飛動之意不能自已也○言昔別是何處今日相逢皆成老夫矣然吾與汝還寂寞共艱虞則其窮也可知矣式類乃高適之姪因念適之死後徒知賣酒之壚耳是以平生飛動意見爾不能無言見式類如見適也其悲喜交集之意為何如哉賦也

吾宗

吾宗老孫子質朴古人風耕鑿安時論衣冠與世同在家
常早起憂國願年豐語及君臣際經書滿腹中

公自註衛倉曹崇簡○首二句起中四句及末一句一意下來大概主意即在首二句賦也

第五弟豐獨在江左近三四載寐無消息覓使寄此

二首

亂後嗟吾在羈紲見汝難草黃騏驎病沙晚鵲鷓寒楚設
關城險吳吞水府寬十年朝夕淚衣袖不曾乾

華老曰第一聯言祿薄君子不得忠世亂兄弟不相見也趙曰夔峽為楚地之險阻吳中則有三江震澤也○首四句公自歎不偶避地羈紲兄弟聯離賦而此也末四句言吳楚相望信息不通者已十年故墮淚爾賦也

聞汝依山寺杭川定越州風塵淹別日江漢失清秋影着
啼猿樹魂飄結蜃樓明年下春水東盡白雲求

趙曰盧照鄰巫山高詩莫辨啼猿樹史天官書海嶺
屬氣象樓臺○言聞弟在江左近無消息然我在楚
而望吳爲其景物故影著魂飄迨明年將東下以相
水耳賦也

送田四弟將軍歸夔州栢中丞命起居江陵節度陽

城郡上衛公幕

離筵罷多酒起地發寒塘回首中丞座馳牋異姓王燕辭

楓樹日鴈度麥城霜空醉山翁酒遙憐似葛強

趙曰御史中丞謂之獨坐漢有異姓諸侯王(夔)曰
葛強山簡愛將以山翁比栢中丞以葛強比田將軍
○言田氏欲餞於中丞座而起程者乃馳牋起居於
陽城郡三也末言發寒塘之景物而以空醉遙憐結

之其離愁旅思見於言外賦也

杜律單註卷之五終

杜律單註卷之五終

生員許珮繕寫
首祭官邢仁晉刊





